

a2^r

IO. OECOLAMPA
DIVS CASPARI HEDIONI THE-
OLOGO AC CONCIONATO
RI MOGVNCIACEN.
S. IN CHRISTO.

IOannes Chrysoftomus, minister in domo dei maximæ frugis, ut præ aliis spiritualia cōiuvia ex affluētibus sacrarum literarū diuitijs magnifice apparat, ita quod mirabilius eadem, ex relictis fragmentis singulari artificio magnificentius instaurat. Id quod cum in multis eius sermonibus, tum in hoc quoquē quem tuæ charitati nuncupamus, uidere licet Hedio dilectissime. Inexcusum reliquerat hūc Pauli locum. Cum subiecta fuerint illi omnia, tūc et ipse filius subijcietur ei, qui subiecit illi omnia. Eum postea nouo hoc sermone ita erudite ac luculenter expendit, ut nōnihil cōmodi attulerit prior illa, si ita uocanda est negligentia. Nam interim cū Arrianis congredditur, Euangelicā lectionem de mundato leproso narrat, Triadis ac tridui mysterium explicat, & cætera quæ leges. Equidem cum nuper in eum incidere, quem magna uoluptate lectum, animaduertere in latinis nostris codicibus nondū haberi, uisum mihi fuit me precīū operæ facturum, si in id negotij die

a ij

a2^v

uno collocato eum interpretarer, tibi quō qui Chryſoſtomo plurimū oblectaris, oblectatur autem illo nemo non. pro ueteri noſtra amicitia tranſmitterem ac dicarem, atquē per te, ſi pariter probares, ſtudioſis etiam alijs cōmunicarem. Quandoquidē meretur & innocentior eſt. quā ut eo quiſquam offendatur, niſi forte hoc aliquos torqueat, quod meo nomine proſedit. Verum eſto in alijs meis libellis ſit, unde οἱ ἀγνώμονες ſκανδαλῶνται, hic fane nihil prorſus eſt periculi. Tu apud typographos tuos cura, ut inuulgetur. Mihi enim nūc ut ſcis, non ſolum publicus cōſpectus, ſed etiam notior ſecellus parum conſulitur, quo tamen mei infortunij, immo nihil minus quā infortunij exēplo tu iterum ne terreare, quo minus libere CHRISTVM annūties. Nec cede contēdentibus, ut aliquid piæ libertatis ſermoni decedat. Non enim hoc fuerit οἰκονομικώσ docere, ut ſi infirmorū ratio expoſcat, palpes potius quā feces. Quin ut facis, perge ingenio, eruditione tam linguarū quā uariarū diſciplinarū, eloquētia, modeſtia, authoritate, dicēdi libertate, gratia, cæteriſquē talentis, quæ tibi cummultim & eminēter diuina largitas concredidit, ut pluribus ſis uſui. Faxit deus ut propediem libere tuo amicorumquē conſpectui reddar, quibus me commēdes. & in primis Magno illi heroi noſtro ac patrono Caſpitoni Fabricio. Vale. M. D. XXII. Menſe Februario.